

天后鄭秀文 (Sammi) 前晚在紅館舉行第二場《You & Mi 鄭秀文世界巡迴演唱會2023》，跟嘉賓林家謙拖手合唱。二人互稱「表姐表弟」，Sammi更笑言「公器私用」邀對方寫歌。演唱會尾聲，她表示追隨自己多年的歌迷年紀漸長，約定大家一齊變老，場面感人。

■ 鄭秀文與林家謙拖手合唱《親密關係》。



約定歌迷一齊變老

認林家謙做表弟 鄭秀文乘機邀寫歌

鄭秀文前晚於演唱會第二場換了新裝，以「白色小飛鳥」造型與嘉賓林家謙拖手合唱《親密關係》。她笑問家謙歲數後叫對方做「表弟」，之後二人以「表姐」和「表弟」相稱，還即場邀對方寫歌，家謙爽快答應，Sammi興奮說：「你應承咗喇，哈哈，我公器私用！」之後家謙送小禮物給Sammi，他說：「呢個我上網買，係《Inside Out》(電影)嘅盲盒。」Sammi開心說：「多謝，我最近首歌就係叫《盲盒》！」家謙說：「我覺得啱你首歌，同埋『盲盒』呢個意思好好，我哋每人每一日醒醒嘅都好似抽盲盒，因為遇到嘅事情、情緒都預計唔到，無論抽到阿樂、阿尷都好，都希望你好擁抱每種『腦朋友』。每種情緒都可以令我哋感覺到自己嘅存在，然後好好咁過每一日。」

抽到紅色「阿燥」

家謙叫Sammi返後台拆盲盒後，告訴他

抽到什麼，但Sammi即場拆，還搞笑地將包裝紙丟到地上，家謙即逐一執拾，全場大笑。結果Sammi抽到紅色「阿燥」，家謙笑說：「啱晒你啦，你頭先咁樣！」然後學她丟包裝紙在地上，Sammi見狀即刻變乖，她說：「好，我收斂，好好控制自己嘅情緒。」

Encore環節，Sammi連環唱《盲盒》、《如果我們不再見》和《我們都是這樣長大的》，她唱畢說：「嚟到第二場，一切緊張同拘謹都拋開晒，多謝你哋入場。」她笑指追隨多年的粉絲年紀變大，嗌「Encore」和「Sammi」的聲音都變弱，叫大家多做運動，還展示手臂結實的「老鼠仔」及得戚說：「睇唔出我就嚟52歲！犀利？應承我一齊變老，好唔好？」全場觀眾大叫「好」！

何雁詩 主持奧運唔使捱夜



何雁詩首次主持奧運節目。

何雁詩昨日到商場出席《奧運HOY TV》預熱大會，與觀眾玩遊戲及分享奧運賽前分析。首次擔任奧運主持的她除了留意擅長的高爾夫球外，也會留意女子劍擊、游泳及賽艇，尤其是代表香港出戰的江旻憓。她笑言慶幸做主持的時段不用捱更抵夜：「因為我只做錄影廠節目，唔使去巴黎，我嘅編更最夜只係到夜晚11點，仲可以應付。」提到日前她為患罕見病「天使綜合症」的病童開慈善音樂會，她稱不少在外國的朋友都提議她到美加開騷籌款。



■ Rain 碩身形有得輸。

Rain 想同港迷玩通宵

韓流天王Rain前晚相隔8年在香港亞博舉行演唱會，甫出場獻唱多首大熱歌，包括《Gang》、《It's Raining》及《躲避太陽的方法》等。一輪勁歌熱舞後，Rain用廣東話說：「大家好，我係Rain！」演出期間，他脫去上衣大晒結實肌肉，引來全場尖叫。為了與粉絲互動，Rain多次叫粉絲站起來跳舞及唱歌，又走到台下跟粉絲握手！Encore環節，Rain表示不想回家，希望跟香港粉絲玩通宵。最後他表示不會忘記大家，並用廣東話說「我愛你」，圓滿結束香港站演出。

何沛珈安心拍打戲 陳山聰：有責任保護佢

陳山聰、朱晨麗、姚子羚、何沛珈、張穎康等昨日到觀塘宣傳無綫劇《反黑英雄》，何沛珈大讚首次合作的陳山聰是好前輩、好哥哥：「拍打戲前佢會提點我唔好太緊張，令我覺得好安心。」山聰指何沛珈首次拍打戲，故拍攝前會更加做足安全措施：「以前有好多前輩例如歐陽震華、郭晉安，佢哋都好保護新人，依家到我變咗人哋前輩，所以有責任保護佢安全。」

張穎康透露拍攝時弄傷左手尾指，至今仍未康復：「差唔多一年前，可能未熟夠身，跑跑吓唔小心仆倒，左手手指尾撞到地下塊卡板，開頭冇乜嘢，依家手指尾屈唔晒，又伸唔直。」他笑言拍動作戲難免受傷，太太已習慣他每次回家都有新傷。



■ 張穎康尾指不能伸直。

■ 何沛珈讚陳山聰是好前輩。